

## Van den tein Baden.

me|solcke stücke des louen late bliuen vnder dem  
namen bote/both/gesette/fruchte zc. vp dat se deste  
vnderschedtliker den louen Christi vorstan/den de  
Apostel iustificansem fidei/dat ys/ dede rechtuer  
dich maket vnde sünde vordelget/nómen / welcker  
de loue van dem bade vnde der bote nicht deit / vnde  
de doch de gemene man/auer dem worde loue/ erre  
wert vnde frage hervor bringet ane nütt.

## Van den tein Baden.

**D**rumme schollen se de tein ba-  
de vaken vnde vlytigen predigen/ vnde  
se vthleggen vnde leren/nicht allene de  
bade/sünder ock dat Godt straffen wert  
de yennen de se nicht holden/alse ock Godt solcke  
vaken tidliken gestraffet hefft. Wente solcke exem  
pel synt gescreuen/ dat me se den lüden vörholde/  
alse de Engel tho Abraham spreken / do se tho em  
seden / Genesis. xix. dat Godt Sodoma straffen  
wolde/ vnde mit helschem vüre vorbernen. Wente  
se wüsten/he worde ydt synen nakömlingen seggen/  
dat se Godt lerden früchten.

So schollen se ock etlike sünderlike laster/ Alse  
eebrekerye/swelgerye/nýdt vnde hátt straffen/vnde  
anthen vnde bewisen/wo Godt de süluen gestraf  
fet hefft/dar he mede betekent/dar he sünder twiuel  
na dessem leuende vél harder straffen wert / wo se  
sich hie nicht betern.

Vnde also schollen de lüde tho dem fruchten  
Gades/thor bote vnde ruwe gereiget vnde vor  
manet wert